

## 19. gr.

4

Um skaðabótaskyldu fyrir skemmdir á lendingarbótum, mannvirkjum eða 3. jan. áhöldum fer eftir almennum lagafyrirmælum.

Ef samningum verður ekki við komið um skaðabætur fyrir skemmdir á eignum þessum, má ákveða þær af þremur óvilhöllum, dómkvöddum mönnum. Hvor- um aðila um sig er heimilt að krefjast yfirmats og skal krafa um það hafa verið borin fram innan mánaðar frá því að matsgerð lauk. Yfirmat skal framkvæmt af fimm óvilhöllum, dómkvöddum mönnum. Kostnaðinn greiðir sá, er yfirmatsins krafð- ist, ef matsupphæðinni verður ekki breytt meira en sem svarar 10% af hinni ákveðnu skaðabótafjárhæð. Að öðrum kosti greiðir hinn aðilinn kostnaðinn.

## 20. gr.

Brot gegn reglugerð þessari varða sektum frá 20—10000 kr., nema þyngri refs- ing liggir við samkvæmt almennum lögum. Sektir renna í lendingarsjóð.

## 21. gr.

Með mál út af brotum á reglugerð þessari skal fara sem almenn lögglumál.

Reglugerð þessi staðfestist hér með samkvæmt lögum nr. 13 24. marz 1944 til þess að öðlast þegar gildi og birtist til eftirbreytni öllum þeim, sem hlut eiga að máli.

*Atvinnu- og samgöngumálaráðuneytið, 3. janúar 1945.*

**Emil Jónsson.**

*Vigfús Einarsson.*

## S A M Þ Y K K T I R

5

### fyrir Sparisjóð Hrótfirðinga.

9. jan.

## 1. gr.

Markmið sjóðsins er að taka við fé einstakra manna og félaga og ávaxta það á sem tryggastan hátt, svo sem nánar er fyrir mælt í reglugerð þessari.

## 2. gr.

Sparisjóðurinn heitir Sparisjóður Hrótfirðinga og er eign Bæjarhrepps og sé heimili hans og varnarþing ávallt innan hreppsins.

## 3. gr.

Ábyrgðarmenn sjóðsins skulu að jafnaði vera 20. Aldrei mega þeir færri vera en 15, og séu búsettir í Bæjarhreppi. Deyi fulltrúi, flytji burtu úr hreppnum eða gangi úr af öðrum ástæðum, skal þá þegar kjósa annan fulltrúa í hans stað og hefur hann þá sömu skyldur og aðrir fulltrúar.

## 4. gr.

Sérhver fulltrúi undirritar skuldbindingu um að ábyrgjast að sparisjóðurinn standi í skilum og að svara allt að kr. 300.00 hver, ef nauðsyn krefur, til tryggingar því.

## 5. gr.

Stjórn sjóðsins skipa 3 menn. Skulu 2 þeirra, ásamt einum varamanni, kosnir eru af fulltrúum á aðalfundi til eins árs í senn. Einn stjórnarnefndarmaðurinn er kosinn af sýslunefnd Strandasýslu.

5 Stjórnin skiptir sjálf með sér verkum og ber henni að annast um alla starfrækslu sjóðsins, en þó er henni heimilt að ráða á sína ábyrgð sérstakan aðstoðarmann telji hún það nauðsynlegt.

## 6. gr.

Formaður boðar til aðalfundar eigi síðar en fyrir lok marzmánaðar ár hvert. Á aðalfundi eiga sæti stjórnarnefndarmenn, fulltrúar og endurskoðendur sjóðsins, en fulltrúar einir hafa þar atkvæðisrétt.

Á aðalfundi skulu lagðir fram reikningar sjóðsins fyrir hið liðna ár, (reikningsárið er almanaksárið), undirskrifaðir af stjórn og endurskoðendum og aðrar ákvarðanir teknar, er sparisjóðinn varða.

Aukafund boðar formaður ef meiri huti stjórnarinnar telur það nauðsynlegt eða ef helmingur fulltrúa æskir þess.

Á fundinum ræður meiri hluti atkvæða.

## 7. gr.

Fundur er lögmætur ef meiri hluti stjórnar og fullur helmingur fulltrúa eru mættir. Heimilt er að sjóðurinn greiði þeim fulltrúum þóknun fyrir að mæta á aðalfundi, sem ekki hafa á hendi launuð störf fyrir sjóðinn.

## 8. gr.

Endurskoðendur sparisjóðsins eru kosnir af sýslunefnd Strandasýslu. Þeir skulu athuga bækur og reikninga sjóðsins og votta hvort honum sé stjórnað eftir settum lögum og reglum.

## 9. gr.

Reikningar sjóðsins skulu liggja frammi á skrifstofu hans eða á öðrum hentugum stað í hreppnum í tvær vikur að afloknum aðalfundi, innstæðueigendum til sýnis.

Afrit af reikningunum skal árlega sent Hagstofunni, og hreppsnefnd Bæjarhrepps annað eintak.

Sá, sem sýnir viðskiptabók við sjóðinn, á rétt á að fá að bera hana saman við viðskiptareikning sinn í sjóðnum.

## 10. gr.

Störfum sparisjóðsins skal gegnt a. m. k. einn dag í viku, á þeim degi, er stjórnin ákveður og auglýstur verður á hverjum tíma. Skal þá a. m. k. féhirðir sjóðsins vera til staðar og sjá um inn- og útborganir, bókfærslu, skrifa undir viðskiptabækur o. fl.

## 11. gr.

Allar lánsbeiðnir skulu, eftir því sem við verður komið, teknar til athugunar sameiginlega af stjórninni og aldrei má veita hærra lán úr sjóðnum en kr. 500.00, án þess að það hafi verið samþykkt af meiri hluta hennar, og getur féhirðir, ef honum þykir nauðsynlegt, fengið það staðfest bréfluga eða með simskeyti, verði fundarbókum ekki við komið. Sama gildir og um aðrar ákvarðanir, er stjórnin verður að taka.

## 12. gr.

Allri bókfærslu við sjóðinn skal haga eftir því sem lög mæla fyrir um á hverjum tíma.

## 13. gr.

Fé það, sem lagt er inn, skal þegar fært inn í bækur sjóðsins. Minni upphæð en einni krónu í hvert sinn skal ekki veitt móltaka. Sá, sem leggur inn í sjóðinn, fær viðskiptabók með sama númeri og yfirskrift og í innstæðubók stendur, með við-

festum lögum sparisjóðsins og ágripi af almennum lögum um sparisjóði. Andvirði 5 bókarinnar greiðist þegar viðskiptin hefjast.

9. jan.

Þá er viðskiptabók hefur verið undirrituð af stjórn sjóðsins, eða a. m. k. féhirði, gildir hún sem samningur við sjóðinn.

Ef sérstakar ástæður eru til, má stjórnin neita að taka við fé í sjóðinn eða gera að skilyrði að það standi árlengt í honum. Um innstæður manna í sjóðnum verður eigi sagt óviðkomandi mönnum.

## 14. gr.

- a. Vextir skulu greiðast af innstæðufé eftir ákvörðun aðalfundar, þó aldrei lægri en í sparisjóðsdeild Landsbanka Íslands.
- b. Vextir reiknast frá næsta degi er fé hefur verið lagt inn.
- c. Við útreikning vaxta telst árið 360 dagar.
- d. Vextir reiknast eigi í minni pörtum en heilum eyri.
- e. Vextir greiðast fyrir 31. des. ár hvert, svo og af innstæðu, þegar hún er öll útborguð.
- f. Vextir, sem eru óteknir 31. des. ár hvert, skulu leggjast við höfuðstól.

## 15. gr.

Af ágóða sparisjóðsins skal greiða allan kostnað við stjórn hans og starfrækslu, en afganginn skal leggja í varasjóð, til að standa straum af tjóni, er hann kann að verða fyrir.

Þegar varasjóðurinn er orðinn svo háur, að hann má nokkurs án vera umfram auginnið sitt, má, með samþykki stjórnarráðsins, verja því í almenningsþarfir innan hreppsins, einkum þó til menningarmála, ef  $\frac{3}{4}$  — þrjú fjórðu — mættra fulltrúa á aðalfundi samþykkja það, enda sé tillögu um það getið í fundarboði. Ráðstöfun þessa má þó ekki gera, nema varasjóðurinn sé minnst 10% af innstæðufé.

## 16. gr.

- a. Uppsögn á innstæðufé fer fram á skrifstofu sjóðsins og getur sá, er upp segir, heimtað viðurkenningu fyrir uppsögninni.
- b. Engri upphæð má segja upp, fyrr en hún hefur staðið 3 mánuði eða lengri umsaminn tíma í sjóðnum. Allt að 200 krónum skal segja upp með mánaðar fyrirvara, 400 krónum með tveggja mánaða fyrirvara, 600 krónum með þriggja mánaða fyrirvara og stærri upphæðum með misseris fyrirvara.
- c. Eftir gjaldþaga er engum vöxtum svarað af uppsögðum höfuðstól og vöxtum. — Stjórn sjóðsins á heimtingu á að uppsagnarfé sé tekið strax og því er sagt upp, eða innan skemmri tíma en ákveðinn er. Sjóðurinn þarf heldur eigi að svara vöxtum lengur en til þess dags, sem borgun er boðin á.
- d. Borgun á sér stað í gjaldgengum peningum.
- e. Útborgað fé tilfærist í dálki um útborgað innstæðufé í innstæðubókinni og einnig í viðskiptabókinni og skal kvittun gefin af þeim, er við fénu tekur.
- f. Ef viðskiptabók glatast, verður eigandi hennar að fá hana dæmdu ómerka áður en útborgun getur átt sér stað.
- g. Þá er innstæða greiðist, svo að ekkert er eftir, skal viðskiptabókinni skilað.

## 17. gr.

Ef eigandi innstæðufjár eða erfingjar hans hvorki leggja inn eða taka út í samfleytt 15 ár, getur stjórnin ákveðið að hætta að greiða vexti af því fé og skal þá með þrítækinni auglýsingu í Lögbirtingablaðinu skorað á eigandann að vitja fjár síns. Geri hann það, fær hann fé sitt útborgað að frádregnum auglýsingakostnaði, en gefi hann

5 sig ekki fram innan 12 mánaða frá síðustu birtingu áskorunarinnar, er öll innstæða 9. jan. hans orðin eign sparisjóðsins.

Ákvæði þessi ná ekki til sjóða, sem ekki eru einstakra manna eign.

18. gr.

Innstæðufé getur sparisjóðurinn sagt lausu á vanalegum gjalddögum með þriggja mánaða fyrirvara, annaðhvort til innstæðueigenda sjálfra, eða með auglýsingu og greiðast eigi vextir lengur en til gjalddaga.

19. gr.

Eignum sparisjóðsins skal ráðstafa:

- a. með því að kaupa ríkisskuldabréf eða önnur skuldabréf, er álita má jafngóð. Þó skal aldrei verja meiri upphæð til þess, en nemur varasjóði, svo framarlega sem einstakir menn æskja láns úr sjóðnum og bjóða fram nægilegt verð;
- b. með því að lána út gegn veði í jarðeignum og húseignum, sem séu nægilega tryggðar gegn eldsvoða. Út á jarðeign má aldrei lána meira en  $\frac{3}{4}$  fasteignamatsverðs og eigi til lengri tíma en 20 ára. Gegn veði í húseign má ekki lána meira en  $\frac{2}{3}$  hluta fasteignamatsverðs og eigi til lengri tíma en 15 ára;
- c. með því að lána gegn ábyrgð sýslu- eða sveitarfélaga. — Að jafnaði skulu slík lán eigi veitt til lengri tíma en 10 ára;
- d. með því að lána gegn sjálfskuldarábyrgð eða handveði. Skulu þau lán því aðeins veitt til lengri tíma en eins árs, að þau séu greidd með jöfnum árlegum afborgunum og aldrei lengri tíma en 10 ára;
- e. með því að kaupa víxla til allt að 12 mánaða;
- f. á hvern annan hátt, er stjórn sjóðsins telur fullkomlega tryggt.

20. gr.

Stjórn sparisjóðsins getur sagt upp lánunum úr sjóðnum fyrirvaralaust, ef hún telur að trygging hafi rýrnað svo að hætta geti stafað af fyrir sjóðinn.

Einstakir stjórnarnefndarmenn mega ekki taka lán eða ábyrgjast lán úr sjóðnum.

21. gr.

Vexti af lánunum skal ávallt greiða fyrir fram, fyrir a. m. k. hálf t. ári í senn. Séu vextir eigi greiddir á réttum tíma er öll skuldin fallin í gjalddaga, og enn fremur er lántakanda skylt að greiða dráttarvexti af allri lánsupphæðinni frá gjalddaga og þangað til full skil hafa verið gerð.

22. gr.

Að öðru leyti en fyrir er mælt í lögum þessum, skal í öllu haga rekstri sjóðsins eftir því, sem gildandi lög um sparisjóði mæla fyrir á hverjum tíma.

23. gr.

Breyta má samþykktum þessum á aðalfundi ef  $\frac{2}{3}$  mættra fulltrúa eru breytingunni samþykktir, enda hafi verið tilkynnt í fundarboði með nægum fyrirvara og á tryggilegan hátt að tillögur um breytingar verði lagðar fyrir fundinn. Leita skal staðfestingar stjórnarráðsins á breytingunum.

Framanritaðar samþykktir staðfestast hér með.

*Viðskiptamálaráðuneytið, 9. janúar 1945.*

**Pétur Magnússon.**

*Torfi Jóhannsson.*